



Universitätsbibliothek Paderborn

**F. Cornelii Cvrtii Cæsarei Consiliarij et Historiographi
Ordinis Eremitarum S. Avgvstini S. Nicolavs Tolentinvs
alijque aliquot eiusdem Ordinis Beati**

Curtius, Cornelius

Antuerpiæ

11. Farinam auget.

urn:nbn:de:hbz:466:1-37243

Et ut alia plurima non invitū
prætereo, ita juvat hīc pro corolla-
rio attexere avaris lucrionibus ob-
oculos identidem objiciendum
monimentum : quo discant in ja-
cturā ingentem quæstum, & cum
damno summum lucrum facere.
Ibat NICOLAVS noster ostiatim, &
stipem mendicatō colligebat : pro-
dit ecce matrona paupercula, pa-
nemque ei in manticam conjicit
oculis lacrimantibus ; atque, Ut ne
nescias, inquit, Dei famule, unus
hic mihi domi reliquus est : farina
quidem aliquantillum suppetit in
facculo, at in horreo nullum fru-
menti granum ; adeoque res mea
ad incitas rediit & famem, mihi
meisque liberis ultimam. Bona ver-
ba, ait vir optimus, ô mulier : Di-
tibi propitii sint, & in re tam angu-
stâ munificam hanc manum tuam
remunerent, farinæque quod ha-
bes pauxillum, liberaliter adau-
geant. NICOLAI voto respondit
cælum, ut audisse crederes : nam &
faccus, in quo tantillum superabat,
& arcam vacuefactam anteā im-

II.
Farinam
auget.

portata divinitus farina totam re-
plevit. Ite nunc sordidi Eucliones,
& male congerendis pecuniis im-
pallescite: quantò potius est egenis
bene consulere, & sua spargere tam
divite cùm fœnore?

S. NICOLAI

In cælum recepti

MIRACVL A.

OCÉANVM híc video, in
quem cymbulam immitte-
re oppidò periculōsum.
Parva ergo vela mea contraho
priùs, quam fluctus me abripiant,
& littus lego. Sic

horrida callidi

Vitant aquora navitæ.

Satis mihi erit potiora contraxisse
in compendium: quis enim omnia
viri illius prodigia, & pro dignitate
memoret? ad reliqua digitum cu-
riosulis intendam. Cùm sanctitatis
eius testimonium statim ab obitu
multa loquerentur miracula, etiam

aqua

R II
25 C